

## FRAMSELD TILSKIPUN FRAMKVÆMDASTJÓRNARINNAR (ESB) 2019/178

2019/EES/49/32

frá 16. nóvember 2018

um breytingu á III. viðauka við tilskipun Evrópuþingsins og ráðsins 2011/65/ESB, að því er varðar undanþágu fyrir blý í legum og fóðringum sem eru notaðar í tiltekinn búnað til notkunar í atvinnuskyni utan vega, í því skyni að laga viðaukann að framförum á sviði vísinda og tækni (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2011/65/ESB frá 8. júní 2011 um takmarkanir á notkun tiltekinna, hættulegra efna í rafbúnaði og rafeindabúnaði <sup>(1)</sup>, einkum a-lið 1. mgr. 5. gr.,

og að teknu tilliti til eftirfarandi:

- 1) Í tilskipun 2011/65/ESB er þess krafist að aðildarríkin tryggja að raf- og rafeindabúnaður, sem settur er á markað, innihaldi ekki tiltekin hættuleg efni sem eru skráð í II. viðauka við þá tilskipun. Sú krafa gildir ekki um þá notkun sem um getur í III. viðauka við tilskipun 2011/65/ESB.
- 2) Mismunandi flokkar raf- og rafeindabúnaðar, sem tilskipun 2011/65/ESB gildir um, eru skráðir í I. viðauka við þá tilskipun.
- 3) Blý er efni sem sætir takmörkunum og er skráð í II. viðauka við tilskipun 2011/65/ESB. Í júlí 2015 barst framkvæmdastjórninni umsókn, í samræmi við 3. mgr. 5. gr. tilskipunar 2011/65/ESB, um undanþágu varðandi 11. flokk, sem skal skrá í III. viðauka, vegna notkunar blýs í legur og fóðringar í brunahreyflum, sem eru knúnir með díslí eða loftkenndu eldsneyti, í búnað til notkunar í atvinnuskyni utan vega.
- 4) Legur og fóðringar sem innihalda blý eru nauðsynlegar til að ná ásættanlegum áreiðanleika með tilliti til þols gegn úrbræðslu (e. *seizure resistance*), mótnarhæfni (e. *conformability*), innfellingarhæfni (e. *embedability*) og mengunarþols (e. *debris resistance*) í stórum hreyflum og þeim sem eru notaðir í erfiðu og krefjandi umhverfi og eru notaðir í búnað til notkunar í atvinnuskyni utan vega, s.s. færanlegar loftþjöppur, færanlegan suðubúnað og færanlega krana.
- 5) Sem stendur eru engir blýlausir staðgöngukostir fáanlegir á markaðnum sem eru nægilega áreiðanlegir fyrir notkunar svið að því er varðar hreyfla í búnað til notkunar í atvinnuskyni utan vega.
- 6) Vegna skorts á áreiðanlegum staðgönguefnum er vísindalega og tæknilega ekki mögulegt að skipta út blýi eða taka það út að því er varðar tiltekna hreyfla í búnað til notkunar í atvinnuskyni utan vega. Undanþágan er í samræmi við reglugerð Evrópuþingsins og ráðsins (EB) nr. 1907/2006 <sup>(2)</sup> og dregur því ekki úr umhverfis- og heilsuvernd sem kveðið er á um í þeirri reglugerð. Því ætti að veita undanþágu fyrir notkun blýs í legur og fóðringar í tilteknum brunahreyflum, sem eru knúnir með díslí eða loftkenndu eldsneyti, í búnað til notkunar í atvinnuskyni utan vega og bæta nýrri færslu 42 í III. viðauka við tilskipun 2011/65/ESB. Til að koma í veg fyrir að gildissvið undanþágna skarist innan III. viðauka og til að tryggja skýrleika laga ætti að bæta við að notkun sem fellur undir færslu 6.c í III. viðauka sé undanþegin nýrri færslu 42 í III. viðauka við tilskipun 2011/65/ESB.
- 7) Þar eð engir áreiðanlegir staðgöngukostir eru enn fáanlegir á markaði fyrir viðkomandi notkun eða verða að öllum líkindum fáanlegir á markaðnum í náninni framtíð ætti að veita undanþágu fyrir 11. flokk í I. viðauka við tilskipun 2011/65/ESB í hámarksgildistíma, sem nemur fimm árum frá og með 22. júlí 2019, sem er dagsetningin þegar 11. flokkur fellur undir gildissvið 1. mgr. 4. gr. tilskipunar 2011/65/ESB. Að teknu tilliti til árangurs í yfirstandandi viðleitni til að finna áreiðanleg staðgönguefni er ólíklegt að tímalengd þessarar undanþágu hafi skadleg áhrif á nýsköpun.
- 8) Því ætti að breyta tilskipun 2011/65/ESB til samræmis við það.

(\*) Þessi ESB-gerð birtist í Stjútíð. ESB L 33, 5.2.2019, bls. 32. Hennar var getið í ákvörðun sameiginlegu EES-nefndarinnar nr. 153/2019 frá 14. júní 2019 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjútíð. ESB L 174, 1.7.2011, bls. 88.

(2) Reglugerð Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)) og um stofnun Efnastofnunar Evrópu (Stjútíð ESB L 396 30.12.2006, bls. 1).

SAMÞYKKT TILSKIPUN ÞESSA:

*1. gr.*

Ákvæðum III. viðauka við tilskipun 2011/65/ESB er breytt eins og fram kemur í viðaukanum við þessa tilskipun.

*2. gr.*

1. Aðildarríkin skulu samþykkja og birta nauðsynleg lög og stjórnsýslufyrirmæli til að fara að tilskipun þessari eigi síðar en 21. júlí 2019. Þau skulu þegar í stað senda framkvæmdastjórninni texta þessara ákvæða.

Þau skulu beita þessum ákvæðum frá og með 22. júlí 2019.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

*3. gr.*

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

*4. gr.*

Tilskipun þessari er beint til aðildarríkjanna.

Gjört í Brussel 16. nóvember 2018.

*Fyrir hönd framkvæmdastjórnarinnar,*

Jean-Claude JUNCKER

*forseti.*

\_\_\_\_\_

## VIÐAUKI

Færslu 42 er bætt við í III. viðauka:

„42	<p>Blý í legum og fóðringum í brunahreyflum, sem eru knúnir af díslu eða loftkenndu eldsneyti, í búnað til notkunar í atvinnuskyni utan vega:</p> <ul style="list-style-type: none"><li>— með heildarslagrými hreyfils <math>\geq 15</math> lítrar, eða</li><li>— með heildarslagrými hreyfils <math>&lt; 15</math> lítrar og hreyfillinn er ætlaður til notkunar í búnað þar sem tíminn milli merkis til ræsingar og fulls afls skal vera styttri en 10 sekúndur, eða þegar venjulegt viðhald fer yfirleitt fram í krefjandi og óhreinu umhverfi utandyra, s.s. við námugróft, byggingarstarfsemi og mannvirkjagerð eða í landbúnaði.</li></ul>	<p>Gildir um 11. flokk, að undanskilinni notkun sem fellur undir færslu 6.c í þessum viðauka.</p> <p>Fellur úr gildi 21. júlí 2024.“</p>
-----	--	--